


特別
^ 18
3414
15





門 18
號 3414
卷 15


御訂全金詩增補中州集卷五十三

金元好問原本

異人

擬栩王中立 六首

中立字湯臣岢嵐人博學強記問無不知
少日治易有聲場屋閒家豪於財賓客日



全金言卷五十三
一
滿門所以待之者備極豐腆其自奉則日
食淡湯餅一杯而已年四十喪妻遂不更
娶亦不就舉選齋居一室枯淡如衲僧如
是三四年乃出時人覺其談吐高濶詩筆
字畫皆超絕若有物附之者問之不言也
閒閒趙公知平定先生往謁之與之詩云
寄語閒閒傲浪仙枉將詩酒污天全黃塵
遮斷來時路不到蓬萊五百年因言唐世

士大夫五百人皆仙人謫降中有爲世味
所著迷而不反者如公與我皆是也一日
來都下館於閒閒公家中秋夜飲酒賦詩
且就公索墨水一盤公如言與之明日不
告而去壁閒留龜鶴二字廣長一丈而墨
水具在不知以何物書之也朝士來觀者
車馬填咽都下競傳王先生仙去矣久之
先生從外至問二字以何物書之不答題

詩其旁云天地之間一古儒醒來不記醉
中書旁人錯比神仙字只恐神仙字不如
先生平生詩甚多有醉袖舞嫌天地窄詩
情狂壓海山平之句他亦稱此人有問世
外事者亦一二言之好作擘窠大字往往
瞑目爲之筆意縱放勢若飛動閒閒公甚
愛之屏山嘗見先生商畧前代人物引先
儒論議數十條在目前如人人自相詰難

然後以已意斷之以爲辨博中第一流人
也臨終預尅死期如言而逝州將石倫葬
之忻州時年五十六予嘗從先生學問作
詩究竟當如何先生舉秦少游春雨詩云
有情芍藥含春淚無力薔薇臥晚枝此詩
非不工若以退之芭蕉葉大梔子肥之句
校之則春雨爲婦人語矣破却工夫何至
學婦人先生晚年易名雲鶴自號擬栩云

中秋

素丸東溟來飛上玻璃盆聊揮五輪手撥去萬里
陰印透山河影照開天地心人世有昏曉我未嘗
古今

屏山所傳作素紈青
溟來聊舒五輪指

雜詩四首

華山宮殿白雲封不見當年打睡翁貪看終南山
色好不知紅日下前峯

獨跨蒼虬下太清春風萬里月華明因君感激爲

君說鑿破天機我也驚

雲葉粼粼皴碧空笙簫遞響入天風忽驚風浪耳
邊急不覺形神來世中

此生休更問浮名名利區區不暫停我有一九天
上藥用時還解濟蒼生

題裕之樂府後

常恨小山無後身元郎樂府更清新紅裙婢子那
能曉送與凌烟閣上人

王子可 七首

予可字南雲吉州人父本軍校南雲亦嘗
隸籍年三十許大病後忽發狂久之能把
筆作詩文及說世外恍惚事南渡後居上
蔡遂平鄆城之閒在鄆城爲最久遇文士
則稱大成將軍於佛前則諦摩龍什於道
則騶天玄俊於貴游則威錦堂主人爲人
軀幹雄偉貌亦奇古戴青葛巾項後垂雙

帶狀若牛耳一金鏤環在頂額之間兩頰以青涅之指爲翠靨衣長不能掩脛故時人有哨腿王之日落魄嗜酒每入城市人爭以酒食遺之夜宿土室中夏月或屍穢在旁蛆蟲狼籍不卹也人與之紙落紙數百言或詩或文散漫碎雜無句讀無首尾多六經中語及韻學家古文奇字字或峭勁遇宋諱亦時避之人或問以故事其應

如響諸所引書皆世所未見談說之際稍若有條貫則又以誕幻語亂之麻知幾張伯玉與之游最狎說其所詩以百分爲率可曉者才二三耳題崧山石淙云石裂雲華漬月秋蓋石淙之石皆狀若湖玉其高有五六十尺者石之文如蟲蝕木如太古篆籀奇峭秀潤一一在潭水中親到其處知詩爲工也蔡州北懸壺觀仙榆云壺樹

全宋詩卷五十三
七
苔波月漬皴醉後云一壺天地醒眠小宮
體云萬疊雲山飛小鴈射虎首句云風色
偃貂裘卽閣筆自戲云此虎來矣樂府云
唾尖絨舌淡紅甜又自戲云欲下犁舌獄
耶和太伯宮詞云金盆水不暖翠雀啄晴
苔又云鳳蹴瑤華散龍銜桂子香西瓜云
一片冷裁潭底月六彎斜卷隴頭雲烹茶
云簾捲綠陰花外月玉山冰雪醉扶翁凌

霄花云啼鳥倒銜金羽舞驚蛇斜傍玉簾
飛威錦堂樂府云鳳環捧席帶香屏鯨杯

倚伎和雲捲

屏擬
作憑

此類尚多人亦多贈南

雲詩者李子遷云石鼎夜聯詩筆健布囊
春醉酒錢麓真南雲傳神詩也壬辰兵亂
爲順天軍將領所得知其名竊議欲挈之
北歸館於州之瑞雲觀南雲明日見將領
自言云我不能往君家瑞雲觀也不數日

病卒後復有見之淮上者

補歸潛志王赤腿不知其名字年齒人以其衣短號哨腿王或云名予可字南雲河東人幼嘗爲卒不詳居郟蔡間以乞食爲事衣皮衣露膝長歎好插花額上繫一銅片如月人問之皆有說又時時自言爲天帝所召有某仙某神在焉所食何物皆誕詭莫可測然善歌詩有求之者索韻立成

字亦怪異在郟城凡寺觀樓閣及名家屋壁書其詩殆遍往往有奇麗語如天仙有夢梅云鼎鑄陶鈞政格新橫斜疎影慰騷魂嬰香枕簟黃昏月懋棣東風笑谷春又經閒瓊几虛雲鎖盃捲江山枕島樓却憶西巖舊宮殿半橫星斗下瀛洲又題石潭云石裂雲華浸月秋又松陰滾碎闌干角其他多僻怪不可曉問之則曰出天上何

書書名亦不可曉或云為鬼物所憑麻知
 幾獨重之李子遷贈詩云骯髒風儀古丈
 夫鶴袍鐵面戰髭鬚人間春色向頭剩天
 上月明當額孤石鼎夜聯詩句健布囊春
 醉酒錢麓危樓試倚街頭月應見潛飛入
 玉壺索詩求韻立書辭亦不可曉後因病
 卒

宮詞

水曲朱門漪漾漫一簾花雨月波寒金闈背襯鴛
 鴦冷春困秋千立畫干

南園湖石

翠雀銜雲墮翠蕪砥峯倒影臥平湖飛花不到穿
 簾月高倚晴天一劍孤

馴鶴圖

張伯玉家畫慎宮人徐行以手整釵
一鶴後隨謂之馴鶴圖伯玉請賦詩

欽叔常苦其作詩多不
用韻限以釵來苔三字

寢處粧鉛未捲釵孤雲花帶月邊來六宮簾幕金

鸞冷露濕晨烟啄翠苔

雜詩二首

白露沙灘浸綠湄小舟艤岸尚依稀
山回屏曲江連樹春鎖人家深處歸

暗悲秋色素團團一雨飄零颺霽寒
天淨長空烟歛處彩虹金挂樹頭山

宮體二首

紅葉鋪霜撼御階繡蓮塵蹴視羅鞋
袖沾鸞翅調

簧語墮却銜翹入鬢釵

驕馬金籠藉草歸翠鸞屏曲染紅霏
凭欄山色春風裏喚得鶯兒燕子飛

附升庵集金國仙人王子可詩詞多用雯

華字見中州集元好問詩剝裂雯華漬月

秋又寶宮寺聯云七重寶樹圍金界十色

雯華擁畫梁雯文也又石文似雲亦曰雯

華古三墳書日雲赤曇月雲素雯

附蜀都雜鈔金王子可南雲咏西瓜云一
片冷裁潭底月六灣斜捲隴頭雲又在元
世祖前矣

照了居士王彧

四首

彧字子文洛州人承安中進士資剛決不
可犯爲尚書省掾知管差除與郎官相可
否卽棄官去往來登封盧氏山中改名知
非字無咎自號照了居士居山中二十年
布衣蔬食井臼自親時人哀苦之而知非
處之自若也少日爲文工於四六詩亦有
功和二宋落花韻四首云曾見嬌窺宋玉

全金詩卷五十三
十一
墻忽驚遺夢到延涼聚塵非分侵凌玉流
水無情葬送香錦鞮謾拋終隔面綵灰雖
吐若爲腸蒼苔碧草無窮恨木石癡兒亦
自傷可人未厭出鄰墻回首空殘翠幕涼
好事只傳懷夢草殊鄉誰致返魂香塵凝
燕子慵開眼烟暗馬嵬空斷腸穠李絳桃
俱異物爲歌薤露寫餘傷綠影浮空只自
傷賞心死著未能忘瓊枝不解留春色銀

燭空存照夜粧肺腑已傳蜂蜜盡肌膏仍
與燕泥香情知青帝回車日合有祥風老
退房繡華終竟合凋傷獻笑縈懷忍遽忘
露壓不禁昏淚臉風披無奈醉愁粧芳菲
頓減園林趣狼籍空餘陌路香却憶班姬
浪辛苦一生都得幾專房旣學佛作決定
歌禪家以爲證道新豐之後無有及者初
出京有詩云親疎俱穩人倫了婚嫁齊成

俗意周一筆盡鉤塵債斷都無虧欠大家
休休休休愛著何時是徹頭風息浪平人
已渡笑攜明月下孤舟崧山中云撒手寧
論萬丈崖脚跟未肯點塵埃東君也自魔
君數故著青紅眼底來來何遲去何早二
五不多十不少一聲柄木徧虛空誰識堂
堂真照了又贈安居士國寶云不招措大
嗔不喚王子文不惹禪和笑不名王照了

他人怕人嫌照了要人嫌人人有面樹有
皮努力方便勤粧嚴粧嚴也由賢不然也
由賢鼻孔莫遣他人穿又答國寶云幻人
誰拙復誰能遊戲何妨傀儡棚凡事不堪
君莫怪儂家面目得人憎又云忽然識破
虛空我六合縱橫更有誰正大壬辰參知
政事宗室思烈行臺洛陽以知非有重名
力致之使參議臺事城陷不知所終子升

卿有賦聲早卒

補歸潛志王彧子文洛州人少擢第南渡
爲省椽睹時政將亂一旦棄妻子徑入嵩
山剪髮爲頭陀自號照了居士改名知非
字無咎居達摩庵苦行自修朝廷初疑焉
遣使廉之知其非矯僞乃止當世號王隱
居名甚高後十餘年忽下山歸其家復與
妻子如舊妻死更娶又爲洛陽行省參議

遭亂不知所終歿嗟乎有始有終者難矣
哉

禪頌三首

昧已全拋大事憂爲渠剛攬等閒愁
桑榆晚景無多子針芥人身豈易投

閒日構來忙日用此生逃却再生休
鼻頭楨轉從今始看作回程火裏牛

吾身非我底爲情說著塵勞特地驚
五九盡時山

更好澗泉雲鳥自春聲

又頌

放下情懷觸處安生涯取取沒多般褐衣襤褸聊
遮赤短髮鬢髻底用冠一榻省緣資困歇二匙隨

分了饑食也知苦澀人人笑烈日初心不敢謾

貞祐

末行臺都尉南征獲武經進士李申之於盱眙左
右司郎中劉光講達卿潤文官李獻能欽叔愛其
才辯欲活之以避嫌不敢也乃託以問事機令軍
中羈管之申之作詩贈主囚者云一飯感君無地
報寸心許國只天知明朝定作長淮鬼馬革仍煩
爲裹屍又云胸中萬古橫鍾阜一死鴻毛斷不移

又獻書都尉云金國歲歲南侵計所得不能一二
州而軍力折耗殆盡今歲此舉亦曾慮人有議其
後何以禦之乎爲公計者不若此南軍大舉斂兵
而退雖屢出無功得全師而返猶可自救不然師
老食殫困頓於堅城之下讒閒一行則公受禍不
久矣某軍敗而死固其所也乞於盱眙城下責以
不降之罪以一死見處使人人知之則都尉亦於
名教有功書上之明日申之謀遁歸不果乃殺之
欽叔說其臨刑回面南向欣然就戮甚嗟惜之予
謂申之胸中萬古橫鍾阜與王知非烈日初心不
敢謾皆烈丈夫
語故附見於此

無事道人董文甫

八首

文甫字國華潞人承安中進士爲人淳質
恬於世味於心學有所得人知尊敬之而
不知其所以得也子安仁亦學道父子嘗
閒居寶豐閉戶不出以習靜爲業朝夕不
繼晏如也國華歷金昌府判官禮部員外
郎昌武軍節度副使正大中以公事至杞
縣自知死期作書與家人及同官又作詩

全金詩卷五十三
貽杞縣令佐詩畢擲筆於地以扇障面而
逝有和太白山明和尚牧牛圖詩刻石於
洛陽其引云夫人有等差教分頓漸上根
之人一聞千悟不落階級中智而下必由
漸進此人牛次第不得不立心性動靜微
妙有無學者所宜諦觀也以人牧牛是動
而有制從有以觀其微者也進進而不已
則漸至於回首馴服從無以觀其妙者也

有入於無微及於妙固善矣又不知靜而
無礙之爲愈也靜而無礙又不知兩忘雙
泯之入神也若夫人牛兩忘明月獨照恍
然俱失所在當是時也吾將離形去智神
亦無功同於大通與道爲一則向之人牛
亦筌蹄中一微塵耳吾儒所謂盡心盡性
者無外於是因借明和尚韻再下一轉語
會心者必能知之詩不錄

全金詩卷五十三
補歸潛志董治中文甫字國華潞州人第
進士南渡嘗爲大理司直後爲河南府治
中卒自號無事老人爲人淳謹篤實學道
有得其學參取佛老二家不喜高遠奇異
循循當道臨終預知死期齋浴而逝時人
異之興定初余先子居喪淮陽公乘傳過
焉談道竟夕余時爲童子竊聽窓下蓋其
於六經論孟諸書凡一章一句皆深思而

有得必以力行爲事不徒誦說而已旣去
先子大稱之後於郝文國才處得所著一
編皆論道之文迄今藏余家其子安仁傳
其學亦謹厚人也

秋夜

見卽如無爐上雪淡而有味水中鹽齊行定慧千
燈焰淨識乾坤一鏡奩

晝眠

莊周先我復天真化蝶飛來管領春我亦莊周周亦蝶不知若箇是真身

審是堂

按劍人人駭夜光蜀雞合道勝鸞鳳飛蛾可是無分別直道油燈是太陽

文中子讀經

紛紛述作史才雄聽似秋來百草蟲不是春雷轟蟄窟蚓蛇會得化成龍

予嘗以王氏六經爲問先生云王氏六經以權道設

教雖孔子亦然但後人不能知之耳因以此詩見示

臨終詩四首

無情喪主沒錢僧送上城南無事人撿盡傳燈無盡錄更無公案遮畚新

生有地死有處萬牛不能移一步一輪明月印天心此是渠儂任處任

白髮三千丈紅塵六十年只今無見在虛費草鞋錢

今古一輪月分明印碧霄門門蟾影到處處桂香
飄不起眼中暈何勞指上標真空渾照破歸去杖
頭挑

隱德

薛繼先

一首

附三首

繼先字曼卿猗氏人少日三赴廷試南渡
後隱居洛西山中課童子學事母孝與人
交謙遜和雅所居人化之子純孝字方叔
有父風客有詐爲曼卿書就方叔取物者
曼卿年已老狀貌如少壯人客不知其爲
曼卿而以爲方叔也而與之書曼卿如書

所取物副之雖其家人亦不以與知也監
察御史石玠子堅行部過曼卿曼卿避不
之見或言君何無鄉曲情耶曼卿曰君未
之思耳凡今時政未必皆善石御史一有
所劾則必謂自我發之同惡相庇他日并
鄰里有受禍者其畏慎類此正大末司農
卿楊慥叔玉丞康錫伯祿薦曼卿與汴人
高仲振武陟宋可武清張潛磁陽曹珏大

名王汝梅隱操不減古人朝廷議授以官
以兵亂不果曼卿喜作詩工於賦物如松
化石云瘦見千年傲霜骨鍊成一片補天
心時人稱焉壬辰之亂病歿於宜陽仲振
字正之系出遼東其兄領開封鎮兵正之
幼就舉選年四十後卽以家業副其兄摯
妻子居嵩山於書無不讀而以易皇極書
爲業安貧樂道不入城市山野小人亦知

敬之王汝梅張潛從之學三人行山谷間
人望正之風袖翩然如欲仙而未舉也張
王說正之嘗遇異人教之養生呼吸吐納
日以爲常靈氣時至安坐不動而骨節憂
憂有聲恍惚中時與真靈接對所談皆世
外事旣不以語人故無得而傳潛字仲升
有志節慕荆軻聶政之爲人三十歲乃折
節讀書太學諸人高其行義有張古人之

目容嵩山從正之學易五十歲始娶妻妻
魯山孫氏亦有賢行夫婦相敬如賓負薪
拾穗行歌自得大用與之同業而生理優
贍憐高張之貧時有餽餉皆謝不受鄉里
爲仲升劬瓜田瓜熟仲升約中分之以償
其勤衆不忍但小摘而去仲升亦棄瓜不
收衆如約然後取食之嘗行道中拾得一
斧夫婦計度移時乃持歸就訪其主歸之

所居寺莊有兄弟分財致諍者其弟指仲
升所居曰我家如此獨不畏張先生笑人
耶天興之兵避於少室絕頂時世已亂寇
斂暴橫無復人理仲升不甘與之處閉口
不食七日而死婦隨亦投絕澗中汝梅字
大用律學出身伊陽簿秩滿遂不出性嗜
讀書動有禮法生徒以法理就學者兼以
經學授之後生輩服其教無敢爲非義者

可字予之貞祐之兵其姑嫁大姓豪氏夫
與子皆兵死而貲產獨在姑以白金五十
笏遺予之予之受不辭一日姑得豪之疎
屬立爲後摯之省外家予之置酒會鄉鄰
且謂姑言姑往時遺可以金可以豪氏無
子故受之姑今有子矣此金豪氏物非姑
物也我何名取之因呼妻子舁金出歸之
豪氏鄉里用是重之大兵再駐山陽軍中

有聞予之之名者問知所在質其子使人
招之曰肯從我者禍福與君共之不然公
之子死矣親舊競勸之往予之不從曰吾
有子無子與吾兒之死與生皆有命焉豈
以一子故併平生所守者而亡之乎其後
予之竟以無子死珏字子玉早歲有賦聲
誠實樂易世俗機械事皆所不知喜賓客
歎於接物無書生氣習從之游者樂之而

不厭也六人者喪亂後惟子玉居弘州十
二年乃終

九日感懷

衰年易感我今知無訝騷人動楚悲故國久拋兵
劫後佳辰多負菊花期一時蘭艾同凋落兩鬢雪
霜仍別離高世輸他陶靖節悠然高興滿東籬

過洛陽

宋 可

西來東去洛陽城千尺浮圖了送迎十日酒旗歌

板地白頭孤客可憐生

寄人宰縣

張潛

縣務無難易人才自異同割雞良暫屈製錦要專
工積弊姦賊後遺黎喘汗中不存憂世志底用讀
書功嫉惡看平日知君有古風莫教循吏傳獨載

魯山翁

載方言作
上聲呼

白髮感懷

曹珏

少年豪舉氣如虹今日蕭然一病翁曉鏡祇添頭

上雪春風不綠鬢邊蓬文章那作一錢直燈火空
勞半世功擬築糟丘便歸老醉鄉何者是窮通

御訂全金詩增補中州集卷五十四

金元好問原本

河汾諸老 補

補元房祺河汾諸老詩集序近代詩人遺

山元先生爲之冠先生太原人太原境與
平陽接河山勝槩地土所宜習俗所尚古

今人物不殊至如師友淵源文章正脈略
與之等故河汾閒諸老與天下人材無讓
麻貽溪與元老詩學無慊古文出其右公
言也張石泉房白雲與元老游從南者子
颺子京二陳昆仲與元老或詩或文數相
贈遺者遯菴菊軒有稷亭二段之目與元
老相次登第者曹兌齋與元老同爲省掾
日以文詩講議者或曰兌齋雲中應人也

吾子列河汾之閒得無附會歟不然兌齋
之先誠應人自客汴梁北渡居平陽者三
十餘年發明道學爲文楷式指授後進桃
李光輝盈溢其門或教授鄉里或宦達四
方有二子叔舉季行文筆亦盛傳而况狀
元王公趙城人曹之外父也兌齋生而隱
德光輝汾晉沒而丘壠在焉豈非吾鄉先
生歟夫諸老之詩有深而冲澹如陶柳者

全金言卷五十四
有豪放如李翰林劉賓客者有輕俗近雅如元白者有對屬切當如許渾者有騷雅與義古風大章浸入於杜草堂之域者往年吾友楊君仲德議成此集不幸早世仲德有云不觀遺山之詩無以知河汾之學不觀河汾之詩無以知遺山之大不觀遺山河汾之作不知唐人諸作者之妙不觀唐人之作不知三百篇六義之深意予今

纂錄自貽溪至兌齋凡八人得古律詩二百一首號曰河汾諸老詩集皞皞郝先生序文於前甚備不肖繼言於後才識淺陋不能盡其蘊雖然吾鄉學者如林有能慕河汾之派觀是集者知所興起云大德辛丑歲二月望日橫汾隱者房祺序

附高昂霄刻河汾諸老集啓河汾諸老詩集者迺大同路儒學教授房先生之所編

也予一日得之惜乎諸老一代高名百年
清氣已嘗遍白於天下是集未嘗流布也
皇慶癸丑夏特命工鈔本以廣其傳然而
諸老之學又豈專乎詩也出處大略已具
前序今書是說以告夫後之學者不爲無
益云六月吉日尊賢堂高昂霄具白

貽溪麻革

三十六首

補

補麻革字信之臨晉人秉彝孫隱居不仕

教授王官谷號貽溪先生有文集行世

上雲內帥賈君

北極長虹掣西垣太白高千年知運圯四海共兵
塵霧黑龍蛇鬪山昏虎豹嗥石傷填海羽波動負
山鼇遺介潛寒渚驚鼉走夜牢江山留慘黯天地
入焄蒿衆折思枝柱初寒俟蠶繰明良逢慶會鄉
曲得名豪梁棟因人出舩艤爲世操安流欣鼓枻
奔浪獨能篙日出戈揮景江翻弩射濤風聲連瀕

洞裁鑿悉織毫桃李勤封植茅菅日薙薳獵場游
麋鹿魚渚動鱗劔井邑生春色禾麻飫土膏民歌
烏遶屋士喜馬騰槽朔塞閒刁斗天山擁節旄岱
嵩何落落江漢自滔滔大寶珠仍璧長城雉與壕
崇牙分棨戟大壤屬鞬橐日月依龍德風雲挾豹
韜夾山羣戰騎黑水泳輕舸落日觀魚浦秋風射
雉臯化行家置塾役簡里停馨歌奏投壺室文閒
治獄曹西庵談性理東閣會奇髦森爽開璜琥縱

橫列鴈羔禮容新泮宇物性遂莊濠牧唱聞朝起
樵音聽莫號孤嬰收坎阱流滯起蓬蒿屢下陳蕃
榻誰空北海醪郤軍敦禮樂曹館富風騷客望龍
門聚雛從鳳穴翺世知三窟隘人可二天逃雨露
承恩命山河襲世勞功名高衛霍輔弼慕伊咎鞍
馬憐髀肉簪纓視鬢毛雅申張仲德頌入魯侯昭
有客傷淪落無堦寫鬱陶太行雲幕幕代北雨騷
騷去國心將折懷人首獨搔身如伏櫪驥情似失

全金詩卷五十四
五
林猿涸轍將安往窮途況所遭幸今逢匠石直欲
啖醕糟付已誠無有登門亦已叨沐薰良備至感
激欲號咷已客馮驩舍猶傷范叔袍鍔須開匣劍
割欲試鉛刀杞梓容山木包羞薦沼芼每思休困
頓佳蔭有蘭幕

送杜仲梁東游

仲梁先稱善夫

野馬何決驟飛雲何悠颺商巖不足稽此士又欲
東略宋與梁青山不知老白山乃許忙菊潭之水

清泠淵野人飲之得長年芳醲不買壽淡泊差可
久北山峩峩蒼翠巔丹崖石老生紫烟靈芝秋杞
老霜骨黃精茯苓飽新斲望君嶄嶄病以臞酌之
食之可以還膚腴況有劉荊州元丹丘子寧舍之
汗漫遊涼秋佳月酒一杯送子東下心徘徊半山
亭前一茅屋歲寒霜勁君當來

短歌行送秦人薛微之赴中書

河流宿層冰山有太古雪翩翩有客來老面黑於

鐵盤盤胃臆閒猶挂太華月不肯下貴勢便欲叫
雙闕朔寒衣裳單路遠馬蹶躡昔人丈夫事肝膽
不可越我歌送君行歌聲何激烈悲風爲我起酒
行歌半闕望君青雲端何恤遠離別

關中行送李顯卿

關中行我持一盃酒送君西入秦秦川鬱相望渭
水流沄沄黃河中折倏復來太華倚天青壁開我
送君今渺何許春風不肯吹君迴舉酒酌五陵浩

歌登高臺終南之山何崔嵬長安舊遊安在哉百
年繁華成劫灰千古英雄沉草萊風塵瀕洞豺狼
墓天地茫茫入烟霧我載歌送君去太華終南宜
有深絕處巖扃人跡所不到石壁蒼苔老煙雨
堂挂女蘿充腹多薯蕷玉井蓮開十丈花茯苓根
結千年樹白雪青松良可老鹿門有龐商有皓不
然凌雲學輕舉呼取安期羨門語憶昨與君友相
逢日日酬杯酒酒闌起舞肝膽開小桃唱罷歌楊

金鑑詩卷五十四
柳晉語狎秦驪秦談驚晉叟秦晉之交那可無胡
爲不作雙飛鳧碧草離離生早春哀歌望斷西南
雲求君於終南之上不可得太華峯頭會見君

阻雪華下

愛山久成癖得山真雋永太華隔風塵五年夢幽
境傳聞十丈蓮擬扣玉仙井雪花忽迷漫蒼巔墮
昏暝蹇予世緣深方外久自屏意是希夷君俗駕
疎造請行行風撼林稍稍雲度嶺雲閒三峯面隱

約露芒穎初如灑瀨堆屹起勢奔猛漸如倚天劍
萬仞鐵花冷烟霞半明滅瞬息變光景乃知造物
心相哀亦相警歸鞭晚忽忽回首心耿耿浩歌夜
深寒孤月挂峯頂

置酒半山亭

得秋字

懷抱久不寫兀坐如繫囚永懷西山勝浩蕩成茲
遊巖壑互窈窕叢蘿鬱深幽飛烟入虛無長風跨
崑丘楚甸散林莽商顏亦綢繆雷雨天地空景氣

金言卷五十四
入夜浮況當節律變萬物颯以秋雲來白日慘天
澹清江流西望渺關河沉沉生莫愁蘭苔暗幽谷
芰荷老芳洲一笑舉酒觴浩歌聊自酬幽賞興未
極慨歎心悠悠世事蒼茫外寒沙明白鷗

歸潛堂爲劉京叔賦

逃淵魚深處避弋鴻冥飛古來賢達士亦復歌采
薇南山先廬在兵塵悵睽違山空無人居惟見草
木肥翩然千歲鶴一朝復來歸新築臨渾水行逕

窈以微清流鳴前除白雲入晨扉迴顧陵谷遷萬
事倏已非著書入理奧得句窮天機前路政自迫
此道倘可幾殷勤抱中璧黽勉留餘輝第恐遜世
志還負習隱譏永懷泉上石一觴與君揮惜無凌
風翰遐舉非所希

守約齋爲呂仲和作

讀書不務博造道當入微一理貫萬理一岐會衆
岐譬彼庖丁刀驕然解牛時節閒卽有得冝繁寧

復疑道喪向千載聖遠孰可期養勇敵所愾養氣
動以隨心非安如山遇變鮮不移吾門有聖學觀
心乃其師宴坐一室中自得寔在茲胡爲滯紛感
紬繹如蠶絲人生矧多欲事物日以滋牛羊踐徑
蹊虎豹攻藩籬我嘗叩天理誠明不容期第恐達
者事還爲狷者嗤

楊將軍坵馬圖

古人相馬不相肉畫工畫馬亦畫骨淡淡生絹一

片雲眼中羣龍何突兀飛菟汗血天驥種筆墨之
閒見飛動前趨後逐互有態涉嚙行留分向背豐
草長林性本真駟駟駢駢相與馴開元天子盛監
牧四十萬匹錦繡屯人言息馬戰所重風鬣霜蹄
惜無用君不見幽燕飛鞚時中原流血成淵池祗
令征討苦未休金鞍鐵甲彌山丘安得放歸如此
馬飲水求芻恣閒暇

題李氏寓酒軒

吾聞李謫仙一斗詩百篇酒家眠又聞陽諫議月
廩盡以送酒錢伯倫酒德頌無功醉鄉仙說到飲
中理茲世何渺然古來賢達士以酒全其天所以
陶靖節浩歌歸田園獨予醉翁之意不在酒樂在
山水靜所便古人已矣不可作今人紛紛亦能賢
北里富熏天高樓歌舞筵千金結客多少年哀吹
豪竹倒傾玉船以酒互爲市地勢相嬋媿焉知貧
士貧到骨健倒仰天歌黃鵠黃鵠歌罷無翼飛妻

啼兒號書一束借問主人翁心跡誰與同我亦頗
解飲聖賢時一中酒酣擊樽破兩耳生春風安得
園綺遇攜我入山去清泉爲釀碧溪深醉臥溪頭
弄雲雨

廬山兵後得房希白書知弟謙消息

聞道王師阻渭津廬山以後陷兵塵軍行萬里速
如鬼風慘一川愁殺人亂後僅知家弟在書來疑
與故人親夢中亦覺長安遠回首關河淚滿巾

晚步張鞏田閒

地入荒蕪過客稀
邨深門巷莫山圍
悠悠獨鳥穿雲下
策策寒烏掠日飛
人事百年梧葉老
秋風萬里稻花肥
兵塵河朔逃歸路
惆悵平沙送夕暉

板橋道中

篁竹瀟瀟野水濱
光風過眼與時新
陰崖積雪猶含凍
遠樹浮煙已帶春
世故未應悲古道
歲華聊得伴閒身
蕨芽筍稚行當好
莫擬山中問主人

過陝

萬古津茅據上游
嶠函西去接秦頭
悲風鼓角重城莫
落日關河百戰秋
形勝勢古來須上策
塵埃歲晚只羈愁
豺狼滿地荆榛合
目斷中條是故丘

爲王德新壽

百年人物惜凋零
尚喜衣冠見老成
數口齏鹽憂桂玉
一川風雨獨柴荆
紅顏未羨方春好
黃髮應從此夜生
異日華林講殊禮
不妨鳩杖從公行

爲秦人梁帥壽

功名萬里駕龍荒不作當年陞楯郎
顏角久瞻天上日鬢毛未點鏡中霜
衣沾暑雨千秋潤扇引薰風六月涼
見說長年出冲靜海山求藥本微茫

送申生取新赴中書

寒山漠漠日初曛過盡蕭蕭鴈鷺羣
百代高歌餘白雪一朝飛步上青雲
倚門骯髒誰憐我滿腹精神獨見君
看取扶搖便鵬翼臨岐且莫嘆離分

寄杜仲梁

塞上愁多雲易陰故人雖在鴈無音
交情念子黃金重世故稽人白髮深
芳草春風千里夢青燈夜雨兩鄉心
岱宗入眼東南秀悵望雲山淚滿襟

寄元裕之

朔雲陰雪晚重重日入寒蕪塞草空
沂水東回無去翼天山南斷有哀鴻
三年遠別交情外一夜相思客夢中
明日關河對雙淚祇將幽憤寄秋風

竹林院全張之純賦二首

柳色侵尋映短籬竹梢零亂挂殘暉山禽自識忘
機客飛下庭柯更不飛

稍稍林閒布穀聲邨南邨北水雲平偶來竹寺看
山坐閒聽清溪遶舍鳴

中書大丞相耶律公挽詞

甲辰五月十四日

砥柱中流折藏舟半夜移世賢高允相人歎叔孫
儀未拜荊州面嘗蒙國士知無階陪引紼萬里望

靈輜

文獻羣公表東丹八葉傳珪璋貽嗣德蘭藻靄遺
編禁籍虛青瑣神游定玉泉太常千字誅誰有筆
如椽

密國公挽詞

鬱鬱佳城閉翩翩銘旌開風悲信陵墓雨入孝王
臺萬古傷梁壞千年望鶴來平明國門外簫鼓不
勝哀

漢制隆恩禮周封列屏翰人知尊帝胄我但識儒
冠零落傷蘭桂孤高歎鳳鸞從今門下客長鉞向
誰彈

王子壽鄉友生朝

自接夫君席頻逢歲律更面嚴知氣直語出見生
平講學詩書義論交里社情鬚髯如戟在長對玉
峯明

送李端卿之鄴臺

僮馬戒晨裝新霜木葉黃嗟予無壯節送子慘離
腸林麓荒秋色清漳下夕陽遙知一罇酒弔古鄴
城傍

爲喬子春壽

講道顏淵巷新齋友與同守身爲大節寡欲是全
功教子勤書裏娛親養疾中黃花佳節近歲歲看
秋風

贈劉伯威

劉子山中秀相逢氣自同箕裘門戶計菽水古人
風折節豈爲辱苦心應有終平生湖海志未用哭
途窮

贈王明伯

遼海遺珠在黃華秀未空百年書法裏萬事酒盃
中耿耿此心在悠悠吾道窮好賢明達事獨喜與
君同

秋夜感懷

老境歡娛少愁懷感歎長世途多險阻歸興渺蒼
茫疎雨梧桐夜西風蟋蟀牀平明攬青鏡衰鬢又
添霜

趙太監降日

自從龍戰野特立孰如公著跡雲鵬上收功汗馬
中高談天下計餘事古人風勿藥行逢喜春風兩
頰紅

雲中夜雨

全金言卷五十四
七
憔悴杜陵客悲涼王仲宣四圍晴立壁一突午無
煙病臥秋風裏愁吟夜雨邊明朝誰裹飯萬一使
君憐

渡洛

泉石經行久林丘彌望閒溪鳴風蕩水谷暗雨含
山淡淡輕鷗沒飛飛倦鳥還世緣良自苦空羨野
雲閒

浩浩

浩浩春風裏悠悠倦客情天寒花寂寞冰泮水縱
橫念遠心將折聞兵夢亦驚江山憔悴久倚杖歎
餘生

附麻革游龍山記余生中條王官五老之
下長侍先人迺觀太華迤邐東遊洛因避
地家焉如女几烏權白馬諸峯固已厭登
飽經窮極幽深矣革代以來自鴈門踰代
嶺之北風壤陡異多山而阻色往往如死

全金言卷五十四
灰凡草木亦無悴容嘗竊慨歎南北之分
何限此一嶺地脈遽斷絕不相屬如是耶
越旣留滯居延吾友渾源劉京叔嘗以詩
來盛稱其鄉泉石林麓之勝渾源實居代
北余始而疑之雖然吾友著書立言蘄信
於天下後世者必非誇言之也獨恨未嘗
一遊焉今年夏因赴試武川歸道渾水修
謁於玉峯先生魏公公野服蕭然見余於

前軒語未周浹驟曰是邦諸山若南山若
栢山業已遊矣惟龍山爲絕勝姑闕茲以
須諸文士同之子幸來殊可喜乃選日爲
具拉諸賓友騎自治城西南行十餘里抵
山下山無麓乍入谷未有奇沿溪曲折行
數里草木漸秀潤山聳出嶄然露芒角水
聲鏘然鳴兩峯閒心始異之又盤山行十
許里四山忽合若拱而揖環而衛者嘉木

金言卷五十四
奇卉被之蔥蒨醲郁風自木杪起紛披震
蕩山與木若相顧而墜者使人神駭目眩
又行數里得泉之泓澄渟滄者焉洑出石
罅激而爲迅流者焉陰木蔭其顛幽草繚
其趾賓欲休咸曰莫此地爲宜卽下馬披
草踞石列坐諸生瀹觴以進酒數行客有
指其大石曰此可識因命余余乃授筆書
凡遊者名氏及遊之歲月而去又行十許

里大抵一峯一盤一溪一曲山勢益奇峭
樹林益多杉檜栝栢而無他凡木也奇花
種種金閒玉錯芬香入鼻幽遠可愛木蘿
松鬣冒人衣袖又縈紆行數十里得岡之
高遽陟而上馬力始不能勝行茂林下又
五里兩嶺若岐中得浮屠氏之居曰大雲
寺有僧數輩來迎延入館於寺之東軒林
巒樹石櫛比楯立皆在几席之下憩過午

謁主僧英公相與步西嶺過文殊巖巖前
長杉數本挺立有磴懸焉下瞰無底之深
危峯怪石巒岒巧鬪試一臨之毛骨森然
南望五臺諸峯若相聯絡無閒斷西北遙
望峯豁而川明村墟井邑隱約微茫如奕
局然徜徉者久之夤緣入西方丈觀故侯
同知運司雷君詩石及京叔諸人留題迴
乃徑北嶺登萱草坡蓋龍山絕頂也嶺勢

峻絕無路可躋步草而往深弱且滑甚攀
條捫蘿疲極乃得登四望群木皆翠杉蒼
檜凌雲千尺與山無窮此龍山勝槩之大
全也降乃復坐文殊巖下置酒小酌日旣
入輕煙浮雲與暝色會少焉月出寒陰微
明散布石上松聲翛然自萬壑來客皆悚
視寂聽覺境愈清思愈遠已而相與言曰
世其有樂乎此者歟酒醺談辯蠡起各主

其家山爲勝如郭王太華劉王茲山余王
王官五老更嘲迭難不少屈玉峯上坐亦
怡然一笑詩所謂善戲謔兮不爲虐兮者
政如是也至二鼓乃歸臥東軒明日復來
各有詩識於石迨午飯主僧丈室已乃循
嶺而東徑甚微木甚茂密僅可通馬又行
五里至玉泉寺山勢漸頗隘樹林漸稀澗
顧非龍山此寺西峯曰望景臺甚險主僧

導客以登歷嶽峯坐盤石其旁諸峯羅列
或偃或立或將仆墜或屬而合或離而分
賈奇獻異不一狀北望川口最寬肆金城
原野分畫條列歷歷可數桑乾一水紆繞
如玦觀覽曠達此玉泉勝處也從此歸路
嶮不可騎皆步而下重谿峻嶺愈出愈有
抵莫乃得平地宿李氏山家臥念茲遊之
富與夫昔所經見而不能寐若太華之雄

尊五老之巧秀女几之蜿蜒烏權白馬之
端重茲山固無之至於奧密淵邃樹林蒼
蔚繁阜不一覽而得則茲山亦豈可少哉
人之情大抵得於此而遺於彼用於所見
而不用於所未見此通患也今中書令湛
然公紀西域事稱金山之秀李子微貽友
書論和林之勝有過於中州者不知天壤
之間六合之內復有幾龍山也因觀山於

是乎有得徒以文思淺狹且遊之亟無以
盡發山水之祕異時當同二三友幅巾藜
杖於於而行遇佳處輒留更以筆札自隨
隨得隨紀庶幾山之髣髴云

石泉張宇

二十首

補

補張宇字彥升自號石泉先生

送趙宜之歸新安兼簡洛下諸友

悽惻復悽惻送君汾水側
人生歡會少一別難再
得昔經劫火然二鳥奮驚翼
嗷嗷各何之仝落天
西北日夕相和鳴此樂未易極
狂風忽吹散一鳥
歸故國翱翔入寥廓
萬里期一息鄧林有餘陰未
肯棲枳棘玉山有嘉禾未肯求粒食
一鳥獨未歸

金言卷五十四
三
鬪老無力矯首思舊羣潛然淚沾臆

雌雞行

雌雞粥粥將鳧兒鳧兒入水雞鳴悲岸南岸北飛
且隨但恐搏攫遭鳶鴟岸傍無食寧饑死朝莫不
肯須臾離傍人爭笑愚且癡我哀物理爲人欺

雲溪秋泛圖爲閩國寶賦

晴嵐滴翠霜樹殷石錦錯落苔花班人家隱約荒
靄外但見籬落連柴關兩山中斷忽空曠下有碧

水之潺湲幽人航葦迷遠近思致偃蹇無容攀定
非鴟夷成霸業一舸五湖烟浪寬又非坡仙遊赤
壁酒酣浩歌江月寒亦當拄杖橫膝看南山心與
白雲相對閒胡爲厭山瞰芳渚岸草汀花適幽趣
有聲詩畫無聲詩夏蟲未易寒水語或云此本張
季鷹蓴鱸忽憶扁舟輕蹇予有家歸未得一見秋
風羽翼生

採蓮 分得底字

溪風搖搖波瀾瀾十里芳華照清沚蘭舟女郎紅
玉春日射新妝明水底芙蓉雙臉百媚生吳宮西
施漢良娣藕腸折斷雪絲牽入手花枝香萋萋隔
岸誰家貴公子調笑新詞歌艷體吳儂變風有如
此誰念采蘋供祭禮

哭姪

學業方成二紀過虛舟一夕殞頽波死皆有命憐
渠早老獨無依奈我何歸計雲山空莽蒼愁懷日

月暗消磨白楊半夜風蕭瑟盡是吾兒薤露歌

感懷

世路羊腸劇險艱天心應厭著儒冠老無子息休
心易貧有交親託事難文字售人真滯貨廉平養
已似閒官義經讀罷無人會庭竹蕭森夜月寒

弔蕭同知

蕭蘭一夕隕秋霜數載交情遽忍忘遊覽雲山春
並轡笑談風雨夜連牀治心我謂當誠慤處已君

言貴肅莊此理從今誰與論隰州松月渺蒼蒼

上巳日遊平湖

微風漠漠水增波襖事重修繼永和脆管當筵清
似語扁舟爭岸疾如梭一時人物成高會千里雲
山入浩歌日莫芝蘭無處覓野花汀草占春多

送田茂卿赴都

宿雨初晴草木齊一杯汾水恨分攜上林曉色多
鷲友長路春風入馬蹄黃卷可能無斗祿青雲自

是有天梯從來俊傑知時務莫爲寒窓故紙迷

和李子微村居二首

健羨南溪老幽居水石閒心無塵事汨身與白雲
閒院靜深藏竹墻低易得山蒲團香一炷花落鳥
喧喧

別墅荒城外居閒事事幽栽松添野色接鋸引溪
流詩社分新韻村醪洗舊愁更求名與利騎鶴望

揚州

送李仲暉之洛

同是思鄉客君先著祖鞭
驪駒歌落日去鴈入高天
莫戀河濱粟當耕谷口田
新朋倘相問爲報已衰年

送馬德新

馬弟吾鄉秀青雲正壯年
四知雖自畏六戒得師傳
秦府開賢路瀛洲列俊躔
秋風黃鵠健老眼看高騫

贈黃德甫璋

明德本生公醫名一代雄
杖頭閒日月舌上舊家風
雅趣錢神外高情酒聖中
治人陰德在壽骨秀而豐

和劉敏之韻

城居寧不好未易著閒人
客至慙無酒詩成莫療貧
譚天雖有口無地可安身
羨殺清江鷺生來不受塵

秋日出郭

離離禾黍滿郊墟
棗實紅殷接野間
四十年來無史筆
有年今日仗誰書

和李濟夫韻

午夢遊仙鳥喚迴
竹陰埽地淨無埃
莫言嘉客閒中少
時有清風自往來

荆公

作古非今禍已成
亦知鬼責與天刑
試看一病遺

言處猶勸傍人誦佛經

襄陵北城溪坐

楊柳陰陰水氣涼
椒花藪藪野風香
地偏愈覺似閒整
始信擒昌化日長

閒述二首

此性生而與道俱
靈源常患少人疏
楊侯一語崇經學
士子爭相讀四書

解作時文一二篇
胷中意氣已掀然
何如剖破醯

雞瓮看取人間大有天

御訂全金詩增補中州集卷五十五

金元好問原本

兌齋曹之謙

四十五首

補

補曹之謙字益甫雲中應人幼知力學早

擢魏科與元遺山同掾東曹機務倥偬商
訂文字未嘗少輟北渡後居平陽者三十

年與諸生講學一以伊洛爲宗衆翕然從之所著古文雜詩三百首曰兌齋文集汲郡王暉序之曰先生之作析理知言擇之精語之詳渾涵經旨刊落陳言當其自得又抑揚有法豐約得所可謂常而知變粹而不雜者也

附歸潛志曹恒君章應州人高丞相汝礪之婿也少讀書不喜爲科舉計惟孤介不

肯事富貴人南渡居大梁葺軒種竹號友直余先子爲作詩賦之又好收古人書畫器物藹然有士君子風遭亂病歿有子之謙擢第

送梁仲文

聖人旣已沒聖道遂不傳異端壅正途榛塞踰千年大儒起相承闢之斯廓然濂溪廻北流伊洛開洪源學者有適從披雲見青天我生雖多難聞道

早 有 緣 中 歲 苦 病 目 不 得 深 窮 研 梁 君 河 東 秀 意
氣 凌 孤 鶩 探 道 得 奧 闡 辯 說 如 河 縣 所 知 非 苟 知
而 亦 允 蹈 焉 出 入 口 耳 者 彼 我 奚 足 言 却 來 自 秦
京 過 我 汾 水 邊 未 幾 復 言 別 長 途 北 之 燕 行 看 奮
六 翮 高 舉 凌 雲 烟 功 成 名 遂 後 歸 老 河 之 湍 相 從
講 聖 學 與 子 長 周 旋

感 寓 二 首

中 林 有 幽 蘭 蘿 生 雜 衆 草 地 僻 人 不 知 芬 芳 空 自
好 嚴 霜 凋 古 木 歲 晚 難 獨 保 願 充 君 子 佩 探 擷 尚
未 早 安 得 清 風 來 吹 香 出 林 表

高 林 夾 金 井 修 竹 連 清 池 梧 葉 旣 蕤 蕤 竹 實 亦 纍
纍 可 棲 復 可 食 鳳 鳥 來 何 時 重 華 不 得 見 韶 樂 何
能 爲 日 莫 空 歎 息 蕭 瑟 寒 風 吹

變 白 頭 吟

梧 桐 不 獨 老 鴛 鴦 亦 雙 死 靜 女 懷 真 心 循 夫 正 如
此 奈 何 及 末 流 不 知 再 醮 羞 中 路 多 反 目 幾 人 能

白頭君不見會稽愚婦輕負薪不肯終身事買臣
一朝歸佩太守印悔望車塵邨敢近人生賦命自
不齊貧賤富貴各有時隨雞逐狗聽所適世事悠
悠爭得知

閒中作

雄雞啼一聲驚起五更睡出門何擾擾競逐名與
利冥冥車馬塵白日暗城市蕭條蓬蒿居獨有羲
皇地高情杳秋雲靜性凝止水俛仰天地閒澹然

無一事

東坡赤壁圖

先生矯矯人中龍京塵千丈不可容五年一夢落
江海翩然野鶴開囚籠雪堂閉戶讀書史興來飄
然弄雲水黃泥坂下醉三更赤壁磯頭船一葦明
月清風共一江邁往之氣無由降酒酣作賦記清
賞袖有巨筆如長杠一朝騎鯨尋李白人間俯仰
成今昔續絃無處覓鸞膠見畫思公空歎息

風雪障面圖

頑雲暗空雪正飛老木殭折溪流澌弊裘羸馬耐
寒子便面障風何所之僕夫徒行亦良苦吻噤不
語心應語人生受凍分豈無但願不作君家奴

秋日雜詩

山中有佳人考盤歌在澗別來今幾時歲月忽已
晏相思不得書矯首望飛鴈

寄元遺山

詩到夔州老更工只今人仰少陵翁自憐奕世通
家舊不得論文一笑同草綠平原愁落日鴈飛寒
水怨秋風黃金鑛裏相思淚幾墮憑高北望中

秋日懷李仁卿

獨倚斜陽百尺樓故人千里思悠悠陶唐祠下烟
光晚姑射峰前鴈影秋罇酒幾時同李白雲山多
處是并州臨風惆悵無人會一曲商歌寫莫愁

麻信之爲壽

中州人物一元龍卓犖英才魄磊胸濁酒數盃遺
世慮清詩千首傲侯封諸郎照眼三珠樹舊業關
心五老峰頭白他年賦歸去綵衣扶杖看從容

送王仲通

從事西遊五見春翩翩書記日爭新懷鄉不作登
樓賦佐府真爲入幕賓世事忽驚翻手雨馬蹄又
踏化衣塵古來燕趙多豪傑定有飛書薦鶚人

上巳日感懷

培植功夫與日新
風光別是一家春
三株槐茂堂
堪構九畹蘭
芳佩可紉桃李陰
成應有地棟梁材
出豈無人從今不
羨燕山竇五桂
聯芳老一椿

寄鄉中故人

十年夢繞故山薇
世事悠悠與願違
華表未成遼
鶴語青冥空羨塞
鴻歸雲橫北嶺迷
鄉眼塵滿西
風
浣客衣爲報吾州
舊親識短書相慰
莫令稀

送侯君美歸雲中

全金言卷五十五
七
暫時相見又相違留滯天涯更易悲客淚清和秋
雨落鄉心杳逐朔雲飛路經險阻行須穩書報平
安寄莫遲邂逅故人如問我爲言貧病未能歸

自趙城還府

簡子城邊過盡春却尋歸路並清汾落花亂逐溶
溶水遠樹低連漠漠雲姑射雨晴山似染洞羊風
暖草如薰獨憐疲俗誅求困愁歎聲多不可聞

讀唐詩鼓吹

傑句雄篇萃若林細看一一盡精深才高不似人
閒語吟苦定勞天外心白璧連城無少玷朱絃三
歎有遺音不經詩老遺山手誰解披沙揀得金

弔王內翰從之

往年高步到瀛州豈料東陵是故侯庾信竟歸周
室老劉禎真有岱宗遊山瞻斗仰名空在桂折蘭
摧恨未休鬱鬱佳城滹水上野烟寒草木經秋

上韓應州

天挺英雄入彀中堂堂自有古人風飛機力贊興
龍業唾手能收汗馬功四海威名方共仰一時才
武更誰同潁川不是留黃霸行拜中書作相公

懷劉京叔

奕世金蘭契於今只有君英才殊落落餘子謾紛
紛一別幾春草相思空莫雲何時展良覲把酒共
論文

宿雲臺觀

趨程疲永路記宿喜琳宮蓮嶽三峰對松林一逕
通地偏殘暑失境靜俗塵空入夜清詩夢山泉落
枕中

中條阻雨

行李淹蒲坂歸期念晉州高風千葉下寒雨一山
秋澗響頻驚夢蟲聲亂入愁酒醒孤館裏心折大
刀頭

初秋雨後

積雨蕩煩暑迴風吹早涼老苔翻舊碧病葉墮新黃
久客應吾道浮生半異鄉黑貂渾弊盡愁看一
開箱

九日

幽闕

懶慢令節廢招尋無復歡娛地空驚闕

閉門黃菊晚步履紫苔深尚友陶彭澤悠然

闕

鴈

北塞迎霜雪西風送羽翰數行天澹澹萬里路漫漫
日落秋聲急江空暮影寒故人書斷絕矯首望
雲端

幽居有感

閒居仍地僻門閉草萊深車馬無還往詩書有討
尋嚴霜催歲晚破屋覺寒侵計拙煩親舊誰能數
賜金

秋風亭故基

危亭冠雉堞飛構何崔嵬一夕墮劫火變化成烟
灰頽基翳蓬蒿壞道封莓苔蕭條古城上空有秋
風來

除夜

三十七年過勞生強半休此心耿耿吾道每悠
悠感物百憂集思親雙淚流春風添一歲又是五
更頭

送李郭二子還鄉

喪亂身爲客淹留淚滿衣亦知生處樂未卜有年
歸祖帳臨寒水仙舟漾夕暉春來一相送腸斷故

山薇

中書耶律公挽詞

虎嘯龍興際乘時自有人風雲開慘淡天地入經
綸忽報臺星圻仍傳薤露新斯民感無極灑淚叫
蒼旻

應州廟學釋奠

夜色齋厨肅秋風殿宇清右文遭聖代備禮引諸
生牢醴嚴三獻豆籩陳兩楹祭餘同飲福旭日樹
頭明

送李端卿東行

故人有所適驅馬出東城紅樹添秋色青山滿去
程曾爲同省掾偏愴遠離情別後能相憶因風爲
寄聲

子猷訪戴圖

興盡空迴雪夜舟訪人虛語亦悠悠須知汾水多
奇士豈獨王家一子猷

梅影

隔窓渾似李夫人江月多情爲返魂宛是依依舊
顏色向人憔悴立黃昏

秋夜

寂寂江城夜向闌西風吹鴈叫雲端一聲遠過南
樓去月滿碧天秋水寒

臨潼溫泉

琢玉爲池浴太真芙蓉花暖水生春誰知寂寞千
秋後留與行人洗路塵

長安早發

行李怱怱澆水頭雨餘涼氣動新秋五更馬上還
家夢先逐西風到晉州

秋夜聞笛

雲淨寒空月滿樓何人橫玉叫清秋梁州才罷伊

州起不盡關山此夜愁

廢宮

斷磚殘礎碎盤花輦路荒涼蔓草遮玉殿朱樓俱
不見壞墻噫嶙嶙遶人家

過茹越嶺有感

山川良是昔人非北望松楸淚滿衣三十餘年成
底事全家南渡一身歸

蒲津晚渡

全宋詩卷五十五
三
黃河城下水泔泔船去船來幾夕曛老盡津頭垂
釣客柳陰相對白鷗羣

陳參議賡

二十首

補

補陳賡字子颺官河東山西道行中書省
參議

遊龍祠

黃河如絲導崑崙萬里南下突禹門枝流潛行大
地底派作八道如霆奔吾聞川真嶽靈有冥宰况
乃利澤開洪源神龍窟宅瞰平野千古廟貌何雄
尊深林含蓄雷雨潤冷殿似帶波濤痕我來南州

走塵空執熱未濯憂思煩試斟甘冽洗肝肺一勺
注腹清且燉悠然晞風坐東廡倏見繪畫如飛騫
仙官華裾乘朱軒旗纛掩藹蛟伏轅雷公電母踏
烟霧天吳海若驅鼉鼉何時借取霹靂手倒挽銀
漢清乾坤廟前老翁顧我語孺子未易排天闔胡
爲高論乃如此一笑滿面春風溫是時三月遊人
繁男女雜遝簫鼓喧舉菱沉玉答靈貺割牲醴酒
傳巫言巫言恍惚廟扉闔拜手上馬山烟昏

幾年霧翳雲蒸老蛟黑腹中有篁如細泉牙節宛
轉聲鏗然天生神物不虛棄提攜萬里歸坡仙坡
仙騎鯨凌紫烟海山一去今千年人間俯仰成今
古紛紛長物何須數洛陽銅駝臥荆棘昭陵石馬
埋煙雨百斛鼎兩錢錐小大用舍俱兒嬉商顏鶴
髮一筇竹何似凌烟功臣玉具高檣頤黃閣得君
真耐久扶持四海經綸手會須拄到崑崙巔九點
青烟看九有鐵邪杖邪吾不知誠將道眼窺天機

一朝雷雨轟空陂須防化作蛟龍飛

武善夫桃源圖

武郎種桃滿雲溪三月紅雨行人迷自從玉勒入
雲馭春風杜宇年年啼飛黃騰踏有天倪紫電轉
盼天山低要將白壁沾蛾眉更把黃金鑄裹蹄羲
和挾輶六龍馳莫景恐迫虞淵西新詩擬喚槐安
夢咫尺溪邊春色動飛花漠漠水泠泠蒼苔荒畫
煙霞洞聞道西風解澆人何處江山可問津征塵

障斷仙源路且看丹青萬樹春

送李長源

月下孤鴻枕上雞高城今日又分攜九秋雲氣嶠
陵底萬里河聲砥柱西飲罷關山秋寂寂詩成風
雨莫淒淒千金善保并州器要放崑崙入馬蹄

寄陝郡楊正卿

西庵

臨川堂上看飛鴻十載西州一轉蓬親老家貧初
有累才疎意廣卒無功姦雄頗忌孔文舉富貴何

如張長公滿地塵埃浮世狹一帆思駕五湖風
遷客形容國士心春風鶴髮不勝簪鍾儀去楚衣
冠異王粲依劉歲月深歲晚艱危無短策酒酣悲
壯動長吟遙憐蘭省楊夫子一紙書來抵萬金

宣宗挽詞

洛邑周初定蒼梧舜不還九天來鶴馭萬國泣龍
顏儉德高千古鴻勳際兩閒無由望弓劍雲氣鬱

橋山

意

舜殿薰風

巖廊鳴五絃薰兮南風來鳳去徽音絕智井生莓
苔

首陽晴雪

天風吹瓊瑤自冒首陽頂欲和采薇歌千山凍雲
冷

東林夜雨

林壑冷含秋風雨黯如海何如贊公房青燈淡相
對

西巖疊巘

梵刹盤空曲烟霞錦繡紋山靈倘招隱徑入萬重
雲

媯汭夕陽

奠階降英皇此地嬪有虞南巡竟不返愁雲接蒼
梧

陳提舉庚

十九首

補

補陳庚字子京賡弟任平陽提舉

送麻信之內鄉山居

四海紛拏戰虎龍
驚麕無計脫圍中
莫貪利祿招時忌
要學聲牙與世同
汝水應逢寒食雨
浙川行趁舞雩風
離心洗蕩方如許
莫上危樓聽斷鴻

弔麻信之二首

弊屣功名懶著鞭
劇談豪放本天然
閒來每愛從

人語醉裏何妨對客眠體瘁漸成中酒病家貧全
仰賣碑錢堂堂一去今何在三尺孤墳罩野烟
風采瓊林未足侔一朝零落委山丘君恩未賜金
蓮炬天闕俄成白玉樓詩類貫珠尤可翫室如縣
磬更堪憂路遙未暇憑棺奠悵望中條涕泗流

答楊煥然二首

梁苑當年記盛遊亂離南北恨遲留且教紅袖歌
金縷莫對青山歎白頭人似贊皇遷蜀郡詩如子

美到夔州傳家況有立文在應使童烏繼纂修
獻賦當年覲紫宸美君藻思獨超羣扶持吾道難
尤力潤色斯文老更勤學際天人寧有伴文如風
水自成紋何時載酒清伊上寄字時來問子雲

清明後書懷

花氣薰人動竹齋貪春狂思若爲裁蜂粘落絮飛
還墜燕認新巢去復來亂後精魂猶夢境貧中風
景剩詩才江山信美非吾土懷抱何時得好開

送孟駕之赴闕

文史相從二十年歲寒心事久彌堅向來才力驚
游刃此去功名穩著鞭淺綠美依沙漠草橫青遙
指拂廬烟應將萬字匡時策挽取恩波下九天

病後贈姚仲寬居士

寂寂柴關晝不開虛簷獨步意徘徊百年素業南
柯夢一寸丹心古鼎灰野老相過聊問訊溪禽近
啄不驚猜好奇誰是劉公子肯爲揚雄載酒來

失去微吟倏過古虞城

舜殿薰風

德化當年被海隅熙熙物性盡昭蘇不知今日吾
民慍一聽琴聲解得無

首陽晴雪

山頭晴雪照城樓潑水融銀眩兩眸蕩滌寒城須
美醞浮香醺醪夜來筩

東林夜雨

瀟瀟寒雨濕觚稜古殿長廊夜氣增此地此時誰
得意龕燈一點坐禪僧

西巖疊巘

螺髮煙鬟矗萬峰行人指點梵王宮鳥飛杳靄蒼
茫外人在霏霞空翠中

媯汭夕陽

水曲山河古樂鄉聖謨曾此降英皇遺風欲問應
無處破屋頽垣半夕陽

王屋飛湍

表聖當年愛此山倚樓終日看飛湍後人空飲貽
溪水不學先生便挂冠

白雲子房皞

三十一首

補

補房皞字希白自號白雲子

江上行

浮雲澹澹心悠悠杖藜來作江邊游商人打鼓催
行舟洪波不斷東南流木葉蕭蕭荆楚秋勸君休
上王粲樓日落滄江增莫愁

賣劍行贈韋漢臣

滄海波未澄無人斬長鯨韋郎三尺玉匣中鳴不

平蛟龍一出雷雨隨翕忽變化清四夷可惜有才
不見用青天白日將何爲酒酣起舞抱劍哭肅肅
悲風動茅屋不如南山學種田自古青萍換黃犢

扣角歌贈史吉甫

剝剝剝扣牛角自從破却黃雞殼陰陽二氣分清
濁吳則爲風震則雷流者成川峙者嶽易道常行
日用閒醉夢昏昏人不覺伏羲不得已而畫文王
不得已而重叔世不及上世隆夫子不言人益蒙

著成大傳開盲聾譬如日出滄海東無物不在光
明中峨嵋山人史居士來到公安大智寺手攜牛
角欲何爲發明三聖心中事人言康節是前身但
不家居洛之涘胸中一部皇極書造化功夫際天
地舒之則彌滿六合卷之則不盈一握近之則在
乎目前遠之則入乎冥邈有人來問先天學扣牛
角剝剝剝

貧家女

貧家女德性溫柔寡言語終年辛苦不下機身上
却無絲一縷倡家女兒百不會只向人前賣嬌態
繡裯端坐青樓中銀燭熒煌照珠翠書言福善與
禍淫未必天公有此心盜跖長年顏子天古來顛
倒非獨今高處是崑崙低處是東溟崑崙推不倒
東海填不平物之不齊物之情貧女莫羨倡女榮
不義富貴浮雲輕持身但如冰雪清德耀荆釵有
令名

送王升卿

傷哉船子峰頭月昨夜團團今夜缺月華猶自不
長圓人生安得無離別世上憂端千萬許惟有別
離心最苦盧川春晚送君行落花爲我啼紅雨四
海紛紛尚戎馬我曹只合歸林下如椽大筆今無
用日課新詩自陶寫嵩陽佳處如罨畫浮可漁兮
田可稼我欲從君覓隱居却恐山靈嫌俗駕

題呂仙亭

岳陽城南呂公洞道人見客無迎送事少方知日
月長身閒未覺功名重竹影松陰生午涼山色湖
光設朝供高吟下視世閒人幾人不在黃梁夢

寄呈岳陽諸友

稟性太褊率不受塵事觸自小遠市廛僻居在巖
谷人間嗜好心舍書百不欲一飽更奚求簞瓢隨
分足失脚墮世路纏糾若微纏人以官爲榮我以
官爲辱平生喜高潔爲官近卑俗平生喜曠達爲

官窘邊幅平生喜疎散爲官貴圓熟平生喜忠鯁
爲官多諂曲澆漓當此時古道那可復鷓鴣巢一
木偃鼠飲滿腹誰能朱門中區區句梁肉折腰趨
下風不厭解印速青山喚我歸早晚謝羈束一樽
石上酒浩歌對松菊

題張信之見山堂

自古朝市人罕與山相會山豈欲遠人人自與山
背張侯創新居正在闌闔內何以得青山坐上日

相對胸中有丘壑眼前無障礙人物既蕭散山不
問內外晚來天氣佳收目入清快乾坤無一塵草
木有多態千里好風來幾縷殘霞在拄笏當此時
未覺功名大

慶王鼎玉生子

魏侯照乘珠卞氏連城玉此物豈易得君家貯滿
屋平生積德深天錫以多福熊羆入夢頻不待封
人祝長者已雄偉幼者更清淑指日看騫騰誰爲
犀角禿願君剩買書學語便教讀斯文久不振六
經要再續人生宇宙閒百歲一瞬速美惡暫時休
何者爲榮辱且引昔寧馨遶院種松菊陶潛歸去
來有子萬事足

戊子

萬事人間已飽諳一身猶自客天南行非楊秉三
無惑性似稽康七不堪俗學爲名多外飾聖人養
德貴中函有時靜坐深思省三十年前總是慙

寄段誠之

咫尺春風三十三不如歸臥舊煙嵐浮雲富貴吾
何慕陋巷簞瓢分所甘多語數窮深可戒虛名無
用不宜貪寥寥孔學今千載賴有斯人可共談

次前韻寄王升卿

谷口人家十二三家家窓戶得晴嵐千章雲木秀
而野一脉泉流清且甘徇俗到頭終是病耽書自
古不名貪作詩爲問東溪友樽酒何時愜笑談

辛卯生朝呈郭周卿段復之

甕面醢雞積有年近來霧豁見全天出言最忌談
人惡入德尤宜去自賢回也屢空趨聖域參乎一
唯得心傳佛岐老徑雖高絕不及中庸道坦然

贈趙山甫

寇盜連年劇蝟毛一身無處可奔逃陳平自合西
歸漢葛亮焉能北事曹嗟我命兼才共薄仰君名
與德俱高幾時一笑滄浪畔右手持盃左手螯

哭楊叔能

仰看飛鴻俯看鱗
訃來不覺淚沾巾
風塵末路尤多難
山澤癯儒只合貧
亂後有誰收恨骨
眼前無復見斯人
襄陽舊隱依然在
花落空庭冷淡春

送李正甫九日韻

論著哀時總可哀
不如且放笑顏開
留連風月憑詩句
管領江山有酒盃
我欲處身如此處
君言裁恨若爲裁
從今但有錢三百
相約高樓盡醉迴

憶新墻劉德淵

雲烟杳靄水微茫
何處青山是岳陽
白髮滿頭空自老
黃塵兩腳爲誰忙
同盟鄂渚言猶在
偕隱廬峰興未忘
近有倦遊詩數首
西風吹不到新墻

思隱

得箇黃牛學種田
葢閒茅屋傍林泉
情知老去無多日
且向閒中過幾年
拙道拙身俱是辱
愛詩愛酒總名仙
世間百物還須買
不信青山也要錢

寄王文炳

愛客孔文舉能詩陸士衡十年求識面千里飽聞
名郁郁芝蘭秀蕭蕭風露清幾時樽酒畔容我話
平生

和楊叔能之字韻

遭亂重相見寬心不用悲江山佳麗地人物太平
時白蟻千家酒黃花九日詩鹿門不可隱吾道欲
安之

丙申元日

三十八年過星星白髮多干戈猶浩蕩蹤跡轉蹉
跎世事堪長歎吾生副短歌江湖從此逝烟雨一
漁蓑

辛巳巴東元日

舊日逢春喜而今怕見春紅塵長路客殘病老夫
身政拙難書考家貧只累人自憐頭上髮更比去
年新

秋夜

百計求安未得安此心須在鬢凋殘漫漫長夜渾
無睡蟋蟀堂深秋雨寒

自遣

幾見秋風幾見春一愁未已一愁新閒中點檢平
生事唯有清貧不負人
甕面浮香處處春任他時事百端新自知野鹿山
麋相不是麒麟閣上人

別西湖

聞說西湖可樂饑十年勞我夢中思湖邊欲買三
閒屋問遍人家不要詩

題張濟之勝覽軒

誰言山色可忘憂誰道澄江銷客愁試倚闌干西
北望浮雲依舊暗神州

讀杜詩

後學爲詩務鬪奇詩家奇病最難醫欲知子美高

人處只把尋常話做詩

穹礴冥搜枉費功天然一語自然工況兼詩是窮
人物好句多生感慨中

千里奔馳蜀道難草堂賓主罄交歡怒冠三挂簾
鈎上誰謂將軍禮數寬

春日觀菜

手種蕪菁欲療饑春來頗怪發生遲東風貪長新
桃李未有功夫到菜畦

全金詩卷五十五

五

